

ընդառաջել է հոգևորական դասն, Մոսկուայի մետրոպոլիտը ճառ է խօսել, Պետերբուրգի մետրոպոլիտըն ա՝ խաչը մատուցել է ի համարյոր, իսկ Սիմեոնը է սրակել օրհնած ջրով, Ցածարում ըսկսուել է ապա թագադրութեան հանդէսը, որին մասնակցել են բոլոր ռուս բարձր հոգևորականութիւնն և օրթոդոքս պատգամաւոր եկեղեցականները, ժամը տասից 4 վայրկեան անցած Վայսըը հաճել է թագը գնել Իւր գլխին, իսկ երեք վայրկենից յետոյ փոքր թագով պսակել Վայսըըհուն, ժամը 10 և 40 վայրկենին սկսուել է Վայսերական տիտղոսների ընթերցանութիւնն, որին ձայնակցել են դուրսը թնդանութների որոտներն, Ապա մերձեցել են կայսերական ընտանիքի անդամներն և օտար ներկայացուցիչներն ի շնորհաւորութիւն, ժամը 10-ից 55 ըոպէ անցած Վայսըը սկսել է ծնկաչօք կարդալ ուրոշած աղօթքը, ապա Պետերբուրգի մետրոպոլիտը կարդացել է կայսերական մաղթանքը, որին ամենքը ծնկաչօք ունկնդրել են, Այս աղօթքից յետոյ տեղի է ունեցել օծումն և հաղորդութիւնը, որից յետոյ Վայսերական Զոյգը Վարմիր գռնից ողջունել է ժողովրդին, որ պատասխանել է որոտաձայն ռուսայով:

— Թագադրութեան աւթիւ առատաձիր վարձատրութիւններն են ստացել բոլոր բարձր պաշտօնեաները՝ ինչպէս միշտ, այս անգամ ևս չէ մոռացուել ժողովուրդը, Վայսերական հրովարտակը անհամար պատժապարտներին պատիժները ներել և թեթեւացրել է, բացի դրանից ներուել է և ժողովրդական հարկի պարտքերից մի մեծ գումար, մերձաւորապէս 107,000,000 ռուբլի:

— Ռուսիոյ բոլոր քաղաքներում և գիւղերում մայիսի 14—16 մեծահանդէս տօներ են կատարուել, ամենուրեք շքեղ ճրագայլոց է եղել երեք գիշեր շարունակ, Հատ քաղաքներ և գիւղեր յաւերժացրել են թագադրութեան յիշատակը մշնայուն հաստատութիւններով:

— Մոսկուայի մեծահանդէս ուրախութեան տօներին մի դժբախտութիւն տխրութեամբ է համակել ամէնքին, Խոգինսկի դաշտի վերայ պատրաստուած ժողովրդական ճաշին մասնակցող ժողովրդի բազմութիւնը այնպէս է խուժել դէպի ճաշարանները, որ չէ նկատել ճանապարհի վրայ փոքրիկ խրամը, որի մէջ ոտնուակ են գնացել մօտ 2000 հոգի, Վայսերական առատաձեռնութեամբ հոգ է տարուած թշուառների ընտանիքների համար:

ԲՈՂՈՔԱՅԱՆ ԵՆՆՆԵՐ.

ԳԾՐՄԱՆԻԱ.

— Բողոքական Գերմանիան ծանր օրեր է անցկացնում, Վիլհելմ կայսրն իւր անհաստատ համա-

կրութիւններով և հակակրութիւններով մեծ վիշտ է պատճառում բողոքական գերմանացիներին, Իտալիա ճանապարհորդած ժամանակը Վիլհելմ կայսրն այնքան սիրալիր և անօրինակ մտերմական տեսակցութիւն է ունեցել պապի ներկայացուցիչներից մէկի հետ, որ բողոքական եկեղեցականութիւնը ներել կարող չէ, Բայց աւելի ևս գրգռուել է այդ եկեղեցականութիւնը Վիլհելմ կայսրի մի հեռագրից, որի մէջ նա պատուիր էր թաղաքականութեան մէջ խառնուելն է դատապարտում, Ահա այդ հեռագիրն.

« Ետէօկերն այն վախճանն ունեցաւ, որ ես տարիներ առաջ գուշակել էի: Քաղաքական պատերազմներն անտեղութիւններ են: Ու՛ր քրիստոնեայ է, նա ընկերական. (Social)» է, քրիստոնեայ ընկերական» յիմար քան է եւ տանում է դէպի անծնանաճութիւն եւ անհամբերողութիւն, որոնց երկուսն էլ քրիստոնէութեան բողոքովն հակադիր են: Պարոն պատերազմը թող իրենց համայնքների հոգոց համար հոգան, մերձաւորների սէրը մշակեն, բայց քաղաքականութիւնը թողնեն, քանի որ այդ նրանց գործը չէ: Վիլհելմ կայսր եւ թագաւոր:

Այս օրերս Հռոմաքարտում ժողով պէտք է գումարեն նոյն այդ «ընկերական պատերազմները, քրիստոնեայ» սրունք պատրաստուում են բողոքելու այդ խօսքերի դէմ:

25 մայիսի:

Ն. Զարաման.



ԳՐԱԿԱՆԱԿԱՆ—ՊԵՏՄԱԿԱՆ

ՓՐԿՈՒԹԵԱՆ ԽԱԶԼ.

Սիրտս վշտահար, մոլորուած մտքով
Նայում եմ՝ առաջ, դիտում եմ՝ հեռուն,
Եւ հարցընում եմ՝ վրհաստած հոգով,
Թէ ո՛ւր պիտ հասնի մեր նաւն երերուն:

Ալեծոպի ծովին դարձած խաղալիկ
Եւ խաւարի մէջ կորցրած ուղին,
Առաջ ենք գնում՝ վաւատակած, լռիկ,
Անգոր հալատակ մեր ճակատագրին:

Եւ տեսնում եմ՝ ես, ամէնքս խոնարհ,
Մի յուսով միայն չենք ընկճուում՝ ցայսօր.
Այդ մեր փրկութեան խաչն է լուսավառ,
Մեր յաւէտ անշէջ փարոս դարաւոր:

Սեւաթոյր երկնից միայլ երեսին
Փայլել է նա միշտ իբր յուսոյ մի շող —
Սիւն կենդանութեան, Մայր Էջմիածին,
Տարագիր հօտի արթուն ժողովող:

Ծ. ՅՈՂԱՆՆՈՍԵԱՆ.